

AIKWS Pulpit Exchange Programme 2016
Gurgoan-Guwahati
At KWSG Church on 7th August, 2016 @ 1 pm.

Thumakai:

AIKWS vaisai na noija Pulpit Exchange program a kimangcha ding in KWS Gurgoan akon Pastor Jangkhogin Haokip le Gl. Sehmang Singsit, Chairman nisim 4th Lhajing, 2016 jingkah in Guwahati vangkho ahin jon lhon in Guwahati nisim 5th Lhajing, 2016; 8 pm vel'in Pathen lhonpina chang pum in ahung lhung lhon in ahi.

Pastor Akhai Touthang le Pa Paocha Chongloi, Youth Promoter in KWSG thalheng in Guwahati train station a aga la lhon'e. An-neh twidon kisuhlou tah a lamsao ahin jot lhon jeh in, oiva nadin annen Guwahati railway station a kon in Manipuri Basti ajon pai uvin ahi. Kisutheng ding'a Pastor Jangkhogin Haokip achen ahileh kothim jeh in lampi akilho khel in, vangset umtah in akeng thitkil in 2 inch deh asut peh e. Apet pet in Pharmacy a first aid apeh jouvun, oiva set'in an anekhom un ahi. Wash room kisutlouna mun'a ana che khah jeh un KWSG Pastor pa akiphatlam in, alang khat a KWSG Gurgoan pastorpa jong mimo akisan, ani gel lhonna akiphatlam behseh lhon jeh chun akive ngam sang ana um lhon pon ahi. Chujouvin, Hotel mun alhun jouvun, KWSG member nurses hon asuhtheng uvin akhui peh pai uleh gelsang in anat jong Pastor pan athoh lal sam pon ahi. Hiche thilsoh jeh chun Guroan pastor pan jong sunday nia ding'a akigotna Sermon akhel in, "Job hinkhoa" kon in Pathen thua houbung mipi tilkhouna ana neiye.

Kingon lahchom:

- Pate hon mipi Pathen vahchoila in a mapuiyun, thanom tah in mipin Houbung laa "*Mihem chonsetna kon huhdoh dingin, Hintwi putna Cross phung a, Ka Lhagao Ngailua Jesu*" le khutsut laa "*Kadam laini hinkho, lding a boui kahim?*" akisa khom in Pathen thangvah nale lhagaova halna aum in ahi.
- Kingon a phat ho homtoh ding'in Nu Hoiboi Haokip, Chairperson KWSG Nupite apang in programme kisuh sel in atol lhan anom chom lheh in ahi.
- Pa Thongkholet Mate, Chairman, KWSG in AIKWS Pulpit Exchange Program hung kipat dan mipi ho avel'in hilchenna aneijouvin, ahung vaikon hole KWSG Church a hung kikhom masa pen ho chung'a liemna le kipana thu aseije.
- Chujouvin Rev M Haokhothong, Sr Pastor in lhasung'a Sunday masapen ahitoh lhon in KWSG in achepe jing Birth Day mangho vang thumpeh naleh maicham thilto ho lhandohna aneiya in ahi.
- Gl. Sehmang Singsit, Chairman, KWS Gurgoan in amaho kimanchah dan achom lam tah in mipi seipehna anei jouvin Church Building Project ana pat dan houle hiche nading'a KWS Gurgoan in Album asem thu u aseije. Aman ase nah-a tutua Gurgoan mun'a hi 200 members vel aum'in, ahin 150 lah bou akikhom doh jou jie. Member hi alhangpin family tambeh pon, atamjo Nugah-Gollhang private Company a natong ngen ahui vin, hijeh chun Pathen houkhomna hi every Sunday le Tuesday 10 pm aum jin, Sunday nia kikhom theilou ho Tuesday nileh akikhom ji ahi tin aseije. Gurgoan Church Choir toh hung tei dia thilgon um chu, sumle pai tampi lut ding'a aumphat a Pastor pa toh Gurgoan thalheng'a hung kalsoung ahi lhon thu jong aseije. Gurgoan thudol aseijouvin Pastor pa toh Pathen vahchoila "*Gamla tah mol chung'a*" asa lhon in, ngainom aum lheh e.
- Pathen vahchoila "Pakai chu kakulpi ahi" Male voice - *Pa Gary, Pa Haopu, Gl.Gogou le Gl Chochon* in ngeitah in asaovin mipi lung achoh thou lheh e.
- Sermon: "Job thoh hatna" Pr Jangkhogin Haokip, KWS Gurgoan

Job in Pathen lungdei tah-a hinkho aman vang in boina ahinkho a ahung lhun da poi. Hahsatna boina itobang dinmun a hung lhung jongle TAHSAN na a pangdet jing ding ahi. Job in achung'a thilsoh ho jouse chung'a Pathen in Plan le Purpose aneiye ti aheth jeh in athoh jou theiye. Pathen in ei ding'a Plan le purpose anei cheh ahi jeh in Jesu bouva kinepna aum'e.

Pastor Jangkhohin in aphot ho jona ding in vahchoila "Haosat na le" ngeitah in ana sa in ahi.

- Pathen vahchoila sathem minthang Ng Lhainei Haokip jong ahung kikhop kei hilouvin vahchoi la "Ka lei hinkho" asa in, mipi lung asuhal chom lheh e.
- KWS Guwahati lamkai ho thalheng in Pastor Akhai Touthang in kipathu seinale Pulpit Exchange program a pan ahunglah lhon hetjingna ding'in, ahung vaikon teni nampon khat cheh silpeh ding in KWSG Vice Chairman le MB Chairman atep to lhon in ana silpeh uve.
- Mipi a kon lungel kimu chu, *"thu le laa angei thei jin, kaikhom nidan 1 pm - 4 pm chan kikhom ahi vang in, phat che lam akihepon, lhagaova halna aum'in, anom lheh-e"*.

**All India Kuki Worship Service
PULPIT EXCHANGE PROGRAMME 2016
Gurgoan - Guwahati
at KWS Guwahati Church
7th August, 2016 ~ 1.00 pm.**

- Mipi vahchoila sahkhom ~ Pate ho
- Lamkai : Nu Hoiboi Haokip, Chairperson Nupite.
- Lemna thusei : Pa Thongkholet Mate, KWSG Chairman
- Tolom laikhom na : HB#163 "Vannoi gamtin chonset."
- Lhasung'a pengho vang thumpeh le Maicham lhandoh taona: Rev M Haokhothong, Sr. Pastor, KWSG
- Greetings from Gurgoan: Th. Sehmang Singsit, Chairman, KWS Gurgoan
- Bible lungchin : Nu Hahat Baite, Nu Mary Haokip
- Vahchoi la : Male Voice
- Message : Pastor Jangkhogin Haokip, KWS Gurgoan
- Phonlouva khoh ho.
- Vahchoi lasah: Ng Lhainei Haokip
- Kipa thusei le Khumkha taona: Pastor Akhai Touthang.

Refreshment**Refreshment*****Refreshment***

➤ **Feedback:**

- ✓ Pulpit exchange hi bol jomjing ding in aphaiajeh chu, Unit ho khat le khat Lhagao lam a kitilkhoh na ding le kalsan be na ding, tahsa le lhagao a khat ahi nao phondoh na le lamkah twikah a kimel het na ding, Pakai lengpi lei a akonkhom nao machal nading Chule for strengthening AIKWS and its units. *Pa T.Mate, Chairman, KWSG*
- ✓ Unit agam lha cheh kivilto hi ahahsatna tah jong aum'e. Anai vel hotoh joh kibol jing thei hen lang member jong atam thei pen in avil'a che pen2 in kipui thei leh. Pa Haopu Khongsai
- ✓ Unit kivilto hi boljom jing ding'in aphaia. Chuleh executive member hon jong atam thei pen in pastor vaikon ho kijui thei leh phalheh in te. Pa Minlen Lungdim



1st row L-R: Pa Thongkholet, Gi Sehmang, Ps. Jangkhogin, Rev M Haakhothong
 2nd Row L-R: Pa Manglun, Ps. Akhai, Nu Hoiboi, Ng. Lhainei, Ng Hoinu, Pa T.S Agou
 3rd Row L-R: Pa Helhun, Pa Haopu, Gi Jangminthang



Pastor & Chairman KWS Gurgoan:
 Vahchoi la "Gamla tah mol chung'a" asah pet



Pastor Jangkhogin Haokip, KWS Gurgoan
 Message on Job's life.



Male Voice hon "Pakai chu kakulpi ahi" vahchoila asah pet



Ng. Lhainei Haokip in vahchoi la " Ka lei hinkho" asah pet